

საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის სამინისტრო

„ახალი კორონავირუსით (SARS-COV-2) გამოწვეული ინფექციის (COVID-19) შედეგად
მიყენებული ზიანის შემსუბუქების მიზნობრივი სახელმწიფო პროგრამის დამტკიცების
შესახებ“ საქართველოს მთავრობის 2020 წლის 4 მაისის N286 დადგენილების შესრულების
მიზნით საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის მინისტრის №01-213/ო ბრძანებით შექმნილი
უწყებათაშორისი კომისიის შეხვედრა

ქ. თბილისი

2020 წლის 03 ივლისი

ოქმი №9

სხდომის ჩატარების ადგილი - საქართველოს ოკუპირებული ტერიტორიებიდან
დევნილთა, შრომის, ჯანმრთელობისა და სოციალური დაცვის სამინისტრო (შემდგომში
სამინისტრო)

სხდომას უძღვებოდა: თამილა ბარკალაია

ესწრებოდნენ:

კომისიის წევრები: გ. კაკაურიძე; ლ. დგებუაძე; ნ. ჩანადირი; თ. კალანდაძე;
დ. მეტრეველი; ე. მიქაბაძე; ზ. სანიკიძე; გ. ჭავჭავაძე;
გ. ჩილოშვილი

სამუშაო ჯგუფის ნ. ველთაური
სამდივნო:

კომისიის სამდივნო: ლ. კლიმიაშვილი; თ. გვარამაძე

კომისიის შეხვედრის მიზანი - „ახალი კორონავირუსით (SARS-COV-2) გამოწვეული
ინფექციის (COVID-19) შედეგად მიყენებული ზიანის შემსუბუქების მიზნობრივი
სახელმწიფო პროგრამის დამტკიცების შესახებ“ (შემდგომში პროგრამა) საქართველოს
მთავრობის 2020 წლის 4 მაისის N286 დადგენილებით დამტკიცებული პროგრამის მე-2
მუხლის პირველი პუნქტის „ვ“ ქვეპუნქტით გათვალისწინებული პირებისათვის
კომპენსაციის დანიშვნის თაობაზე გადაწყვეტილების მიღება.

განსახილველი საკითხი - პორტალზე დარეგისტრირებულ პირთა განაცხადების განხილვა 147 821 დან - 155 829 -ს ჩათვლით. სამუშაო ჯგუფის მიერ მინიჭებული სტატუსების (დადებითი, უარყოფითი და განსახილველი) მიხედვით.

8 009 რეგისტრირებული პირი ჩაიშალა შემდეგი სტატუსებით, ესენია:

1. არაკომისიური 3 189 (დანართი 1)
2. კომისიური - 4 820 (დანართი 2)
 - 2.1 უარყოფითი - 1 025
 - 2.2 განსახილველი - 7
 - 2.3 დადებითი - 2 063
 - 2.4 დასაკორექტირებელი - 1 725

მომხსენებელი, ნინო ველთაური - კომისიის სხდომა გახსნა ნ. ველთაურმა და კომისიას მიაწოდა სტატისტიკური ინფორმაცია კომპენსაციის გაცემის თაობაზე. ასევე, აღნიშნა რომ, რეგისტრირებული თვითდასაქმებულების რაოდენობის მაჩვენებელი გაიზარდა საზღვარგარეთ თვითდასაქმებულების რეგისტრაციის ხარჯზე. კომისიას ეცნობა, რომ 3 ივლისის მდგომარეობით 300 ლარიანი ერთჯერადი კომპენსაციით დაკმაყოფილდა 109 495 პირი.

ამასთან, კომისიას ეცნობა, რომ პროგრამაში ცვლილების შეტანის შემდგომ, შემოსავლების სამსახურის მიერ ივნისის თვეში მოწოდებული 200 ლარიანი კომპენსაციისმიმღებ პირთა სია გაიზარდა და შეადგენს 125 510 პირს. სიების შედარების დროს აღმოჩნდა, რომ 267 პირი უკვე იყო ბაზაში დარეგისტრირებული როგორც თვითდასაქმებული, უკვე ჩაერიცხათ 300 ლარიანი კომპენსაცია და შესაბამისად ამასთან დაკავშირებით, მომხსენებელმა განაცხადა, ვედარ მოხვდებიან 200 ლარიან კომპენსაციის მიმღებ პირთა სიაში. , ასევე აღინიშნა, რომ 345 პირი, რომლიც რეგისტრირებულია ბაზაში როგორც თვითდასაქმებული, გადაინაცვლებს 200 ლარიან კომპენსაციის მიმღებთა სიაში.

გარკვეული მიზეზების გამო, მომხსენებელმა დამატებით განიხილა და შეათანხმა კომისიასთან საკითხი იმ პირთა კომპენსაციის გაცემის ან არ გაცემის თაობაზე, რომლებიც გარდაიცვალნენ რეგისტრაციის შემდგომ და კიდევ ერთხელ შედგა შეთანხმება, რომ 200 ლარიანი კომპენსაციის მიმღები პირი თუ გარდაიცვალა მ/წლის მაისის თვეში, ეკუთვნის 2 თვის კომპენსაცია (აპრილის, მაისის). 300 ლარიანი კომპენსაციის მიმღებ პირებს, რომლებიც გარდაიცვალნენ რეგისტრაციის შემდგომ, უნდა მიეცეთ კუთვნილი კომპენსაცია.

რაც შეეხება პროგრამის მე-2 მუხლის პირველი პუნქტის „ვ“ ქვეპუნქტით გათვალისწინებულ პორტალზე დარეგისტრირებულ პირთა განაცხადების განხილვას, მომხსენებელმა კომისიას აცნობა, რომ წარმოდგენილი 8 009 განაცხადიდან პროგრამით განსაზღვრული მოთხოვნების გათვალისწინებით, 2 063 განცხადებას მიენიჭა „დადებითი“ სტატუსი, ვინაიდან მაძიებლებს დოკუმენტაცია სწორად ჰქონდათ ატვირთული და აკმაყოფილებდა ყველა მოთხოვნას. 1 025 განმცხადებელს, რომელთაც არ ჰქონდათ იურიდიული პირისგან გაცემული ეკონომიკური საქმიანობის დამადასტურებელი რაიმე სახის დოკუმენტი

- მიენიჭა „უარყოფითი“ სტატუსი. სტატუსები განისაზღვრა დადგენილებით გათვალისწინებული მოთხოვნებისა და გასულ კომისიაზე განსაზღვრული კრიტერიუმების შესაბამისად.

კომისია ერთხმად დაეთანხმა სამუშაო ჯგუფის მიერ განაცხადებზე მინიჭებულ სტატუსებს. დასაქმების ხელშეწყობის სააგენტოს დაევალა პროგრამით განსაზღვრულ ვადებში „დადებითი“ სტატუსის მქონე პირების კომპენსაციის ჩარიცხვის უზრუნველყოფა.

მომხსენებელმა ისაუბრა იმ ძირითად მიზეზებზე, რის საფუძველზეც განაცხადებს მიენიჭა „განსახილველი“ სტატუსი. კომისიის მიერ შემუშავდა დამატებითი კრიტერიუმები (დანართი 3). შემუშავებული კრიტერიუმების შესაბამისად, სამუშაო ჯგუფის მიერ განხორციელებდა განაცხადების ხელახალი განხილვა და შესაბამისი სტატუსის მინიჭება.

კომისიის გადაწყვეტილებით, დასაკორექტირებელ/მიღებულ განაცხადებზე განმცხადებლებს ექნებათ შესაძლებლობა დააზუსტონ/დააკორექტირონ მიმაგრებული დოკუმენტაცია, რის თაობაზეც მათ ეცნობებათ ტექსტური შეტყობინებით.

კომისიის გადაწყვეტილებით სამუშაო ჯგუფს დაევალა ზემოაღნიშნულის გათვალისწინებით განაცხადების იდენტიფიცირება და „დადებითი“ სტატუსის მქონე პირებზე, პროგრამით გათვალისწინებულ ვადებში კომპენსაციების გაცემა, ხოლო შემდგომში განაცხადებების განხილვისას, შემუშავებული კრიტერიუმების გათვალისწინება.

კომისიის თავმჯდომარე



თამილა ბარკალაია

კომისიის თავმჯდომარის მოადგილე



გიორგი კაკაურიძე

კომისიის წევრი



დავით მეტრეველი

კომისიის წევრი



თენგიზ კალანდაძე

კომისიის წევრი



ეკატერინე მიქაბაძე

კომისიის წევრი



ზურაბ სანიკიძე

კომისიის წევრი



ლევან დგებუაძე

კომისიის წევრი  ნიკოლოზ ჩანადირი

კომისიის წევრი  გიორგი ჭავჭავაძე

კომისიის წევრი  გელა ჩილოშვილი

სამუშაო ჯგუფის სამდივნო  ნინო ველთაური

კომისიის მდივანი  ლიკა კლიმაშვილი

კომისიის მდივანი  თეა გვარამაძე